

SINDIKATUETAKO KIDEAK MADRILEN BILDUKO DIRA GAUR, EGOERA ZERTAN DEN AZTERTZEKO

Hirugarren egunez, Correoseko langileek greba egin zuten atzo

■ Hirugarren egunez, Correos zerbitzu publikoko langileak kalera atera ziren atzo Kongresuan eztabaidatzen ari diren Posta Legearen aurka protesta egiteko. Aurreko deialdietan gertatu zen legeaz, atzoko greba arrakastatsua izan zen Hego Euskal Herrian.

A. Agirreurreta/ Donostia

HIRUGARREN greba eguna zuten atzo Correoseko langileek Hego Euskal Herrian eta Espainian, eta hirugarrenean ere erantzun ona izan zuen protestak. Bizkaian izan zuen jarraipen handiena grebak, probintzia horretan langileen %90ek ez baitzuten lanik egin atzo. Gipuzkoan, Araban eta Nafarroan jarraipena zertxobait apalagoa izan zen (%80 ingurukoa), sindikatuek emandako datuen arabera. Nafarroako Correoseko zerbitzuako arduradunek zabalduetako emaitzen arabera, aldez, probintzia horretan lan taldearen erdiak baino ez zion lanuzte deialdiari jarraitu. Hiriburu guztietan manifestazioa egin zuten langileek eguerdi aldera.

Nolanahi ere, ohiko posta zerbitzuan eragin nabarmena izan zuen, eta gutun, pakete eta telegrama urgenteak baino ez zituzten jaso Euskal Herriko eta Espainiako Correosen.

Atzoko hirugarren greba eguna izan zen, iragan ostegun eta ostiralean ere Correoseko langileek ez baitzuten lanik egin. Atzokoak amaiera eman zion bigarren protesta faseari.

Horrenbestez, Correoseko bulegoetan gutun eta pakete mordo dago pilatuta, nahiz eta Correosek, edo Espainiako Sustapen Ministerioak, ez duen oraindik ohiko zerbitzuak izango duten atzerapenei buruz ezer esan. «Nafarroan hogeita hiru ordu gutxiago sartu ditugu, gaurko lanuztekoak zenbatu gabe. Atzeratutako lana handia da», ohartarazi du Julen Zelaia Nafarroako Correoseko LABeko kideak.

■ **Ekainean protesta mugagabeak** • Gaur Madrilen UGT, ELA eta LAB sindikatueta ordezkariek



Apirilaren amaiera aldera ere hiru greba egun eta hiriburuetan manifestazioak egin zituzten Correoseko langileek. EDURNE KOCH

Madrilen batzartuko dira, egoera zertan den ikusteko. Baliteke mobilizazio gehiago prestatzea. «Ekainean ere protesta ekintza gehiago egitea aztertzen ari gara. Baliteke muga jakinik gabeko protestak izatea aurrerantzean», iragarri du Eukeni Barandak, Bizkaiko Correoseko ELAko ordezkariek.

Correoseko langileak ez daude ados Madrileko Kongresuan ordezkariek politikoa eztabaidatzen ari diren Posta Legearekin.

«Europa mailako zergak ordaintzen ditugu eta Afrika mailako zerbitzuak eta tratua jasotzen ditugu», uste du Zelaia, Nafarroako Correoseko LABeko ordezkariek. Horrezaz gainera,

egoerak okerrera egingo du, Posta Legea onartu eta aplikatzen baldin bada, Zelaia ohartarazi duenez. «Urte gutxi barru edozein zerbitzuek ordaindu egin beharko du herritarrek».

Posta zerbitzuak betetzeko merkaturak hainbat ataletan banatuta daukate orain, etxetara eraman behar diren gutun edo paketeen pisuaren arabera. Zerbitzuaren prezioa ere horren arabera ezartzen da. Posta Legeak, baina, beste irizpide bat ere sartu nahi du, tokiarena alegia. Irizpide berriak, nekazaritza inguruen eta herri txikien kalterako izango delako, atal horretan aldaketarik ez egiteko exijitzen dute sindikatuek.

Protestak hasi zirenean, duela hilabete, sindikatu guztiak bat eginda agertu ziren Posta Legearen aurka. Hiru greba egun egin zituzten apirilaren amaieran.

Sustapen Ministerioak lege proposamenean aldaketa batzuk egin zituen orduan, protestak geldiarazteko. CCOO eta Galizia-ko CIG sindikatuek ontzat eman zituzten zuzenketak horiek, eta protesta plataforma bateratua hautsi egin zen. UGTk, ELAk, LABek, CGTk, ESK-k eta CSI-CSIF funtzionarioen sindikatuak eutsi egin diete hasierako eskaerei, haien ustez Espainiako Gobernuak egin zituen aldaketek ez dutelako funtsezko ezer aldatu. X

Ferroforma '98 azokan mila enpresak baino gehiagok hartuko dute parte

■ *Bilboko Nazioarteko Erakustazokan izango da, irailaren 27tik 30era*

J. Aiarza / Bilbo

FERROFORMA azokaren aurtengo ekitaldian mila enpresak baino gehiagok parte hartuko dutela jakinarazi dute Bilboko Nazioarteko Erakustazokatik. Burdingitzako azoka irailaren 27tik 30era antolatuko dute honek.

Parte hartuko duten enpresak 689 stand edo erakustokitan banatuko dira, eta 36.000 milioi metro koadroko eremua hartuko dute. Hala, azokak inoiz baino enpresa eta leku gehiago hartuko ditu bere hamahirugarren ekitaldian, eta «Europa osoan sektore honetan egiten diren azoka garrantzitsu guztietatik bigarrena izango da», azpimarratu dute.

Aurtengo Ferroforma azokara 22 lurraldetatik etorriko dira enpresa erakusleak. Espainiakoez gain, Alemania, Austria, Taiwan, Danimarka, Frantzia, Italia, Holanda, Portugal eta Britainia Handiko enpresak izango dira, baita Suedia, Suitza, Belgika, Kanada, Txina, EEBBak, Finlandia, India, Irlanda, Japonia, Korea, Mexiko eta Turkia-koak ere.

Asteazkenean hasi eta ostiralean amaituko da erakustazoka, eta burdingintzako azpisektoreetan sailkatuko du azoka. X

Babcock-eko sindikatuak Kvaerner-ekin elkartuko dira

Europa Press / Bilbo

BABCOCK WILCOX enpresako sindikatuak Norvegiako Kvaerner multinazionalako zuzendaritzarekin elkartuko dira gaur Madrilen, konpainia horrek euskal enpresarako dituen industri egitasmoen berri jakiteko helburuz. Aurreko bilera batean Kvaernerrek eman ez zizkien zehazkizunak oraingoan ematea espero dute Babcockeko langileen ordezkariek.

Norvegiako konpainiak Sestaoko enpresarako dituen helburu nagusiak ezagutarazi zizkien sindikatuari bilera hartan, eta negoziazio mahai bat eratu zuten. Helburu nagusiak Babcockentzako transferentzia teknologikoa, internazionalizazioa eta 800 pertsonako lan taldea dira. Kvaernerrek ekainaren 30erako itxi nahi du akordioa sindikatuarekin, baina horiek nahiago dute eperik ez finkatu, negoziatzio tarte zabalagoa izateko. X

Hego Euskal Herriko banka sektorean iaz aparteko hiru milioi lanordu sartu zirela salatzen dute sindikatuak

■ *ELA, LAB eta ESK sindikatuak kanpaina bati ekingo diote gaur ordu estren aurka protesta egiteko*

Joseba Aiarza / Bilbo

ELA, LAB eta ESK sindikatuak banka sektorean sartzen diren aparteko lanorduen gehikuntza salatzen kanpaina bati ekingo diote gaur. Hego Euskal Herriko finantza sektoreko langileek 1997. urtean guztira 3.000.000 lanordu estra sartu zituztela ziurtatu dute sindikatuak. Aparteko lanordu horietatik gehienak

aitortu gabekoak izan ziren gainera, eta inolako kontrolik gabe sartu ziren, lanordu malguen bidez hain zuzen.

Kontu honetan Lan Ikuskaritza-jokabide zabarra ere gaitzetsi dute langileen ordezkariek. Lan ikuskariak «jasotako salaketa guztien aurrean begiak itxi eta argi berdea eman diete entitateei», esan dute.

Hiru sindikatuak gaur ekingo

diote finantza erakundeen aurkako kanpainari. Hegoaldeko lau hiriburueta Lan Ikuskaritza-jokabide zabarra ere gaitzetsi dute langileen ordezkariek. Lan ikuskariak «jasotako salaketa guztien aurrean begiak itxi eta argi berdea eman diete entitateei», esan dute.

Sindikatuaren arabera, «eskan- daluzkoa da banka sektorean lanorduen gehikuntza, aurtengo lehenengo hiruhilabetekoan entitateen irabaziaz %22,7 gehitu dituztenean».

Aipatutako sindikatueta ordezkariek protesta gehiago egingo dituzte datozen egunotan gainontzeko banketxe eta aurrezki kutxen bulegoen aurrean. X